



02.april 2019

UPA2019/42

Aalajangiiffisassatut siunnersuummut uunga ilanngussaq 1 naapertorlugu piaarnerpaamik, kingusinnerpaamillu ulloq 1. oktober 2019-mi atuutilersussamik, Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaannut nr. 1, 25. januaari 2019-imeersuut allannguissamik Naalakkersuisut peqquneqarnissat pillugu Inatsisartunut aalajangiiffisassatut siunnersuut.

(Inatsisartunut ilaasortaqa Aleqa Hammond, Nunatta Qitornai)

Meeqqat amerlavallaarujussuarput angajoqqaaminni peroratik ulloq unnuarlu angerlarsimaffinni perortut isumagineqartullu. Inatsisartut ataatsimiinneri tamavimmik meeqqat angerlarsimaffiup avataanut inissiisarnermut tunngassuteqartunit suliat qaqinneqartarput. Aningaasaliissutaappata, malittarisassaappata, suliniutaappata aammalu piumasaqaataappata. Ukiullu tamaasa kisitsisit takutittarpaat meerartavut suli ukiut tamaasa angerlarsimaffiup avataanut inissinneqartartut amerlassutsimikkut ikiliartunngitsut.

Meeraq angajoqqaavisa akisussaaffigaat. Angajoqqaat meeqqiortut meerartarminnut akisussaasuupput.

Meeqqap angerlarsimaffiup avataanut inissinneqartussanngortillugu imaluunniit inissinneqartillugu pisortanit akuliusimanissaq aatsaat atuutilersutullusooq ittarpoq, massa Nunatta Qitornaanit isumarput naapertorlugu ilaqutariit perorsaanissaminnut artorsaateqartut siusinaartumik ikorfartortariaqarpata akulerutilertornerusariaqartugut isumaqarpugut. Inuiaqatigiittut imatut inissisimasariaqarpugut siusissumik iliuseqarnikkut meerannguit angajoqqaaminniinginnarnissaannik aqqutissiuussissalluta ilaqutariinnut nukittunerulersitsiniarnermut suliniutinut aningaasat atorlutigit. Maannakkut uaniippugut kingusinaarluta neqeroorutit pisarnerisigut ilaqutariit avissaartussanngortinnissaannut suliniarneq isikkoqalersarluni.

Meeqqat inuusuttuaqqalluta ikiorserneqartarnerannut peqqussutip ilanngullugu nassataraa meeraq angerlarsimaffiup avataanut inissinneqarnerani sapinngisaq tamaat atorlugu tamassuma sivikinnerpaaffissaaniitinneqassasoq angerlarsimaffiillu ikorfartorneqassasut meeqqat angerlaqqissinnaanissaat siunertaralugu. Ullumikkut tamanna atuutsinneqarnera apeqquernaqaaq, ilami meeqqat sivoorsuarmik angerlaratik pisortanit isumagineqartussanngortittarpavut ukiullu tamaasa amerlingaluttuinnarlutik. Meeqqat angajoqqaaminnit isumagineqanngitsut pillugit sullinneq ima angitigaaq ukiumut milliardi angusalerparput inissiinernut, angallannernut, sullinneqarnerinut, angajoqqaarsiaqarnernut, atisassarsiniarnernut, siunnersuinernut assigisaanullu. Innuttaasut 56.000-usuni aningaasaliinerit

Nunatta Qitornai

Inatsisartuni



taama annertutigaat. Eqqarsalersittariaqarpaatigut immitsinnut aperaluta nukivut sumut
atorumaneruavut? Nalunaarutip allanngortittaarneratigut? sullittunut
tunuliaqutsiiniarnernertigut? Aningaasaliinerit sulii amerlanerit?

Nalunaaruteqassaagut ullutsinnut tamanut tulluurtumut tamannalu Naalakkersuisut
akissuteqaateqarnerni oqaatigineqarpoq nalunaarut pineqartoq kingullermik
allannguiffigineqarpoq issatsiannguaq februaarip aallaqqaataani 2019-mi. Maannakkullu
siunnersuuteqartut tamanna allanngortariaqarneratik siunnersuuteqarluni. Nalunaarutip
maannakkut atuuttup allanngortinngilaattaani naalakkersuisut atorfilittallu
ataatsimoortinneqarsimapput eqqartorlugu paaqqinniffiit imminut pigisut taakkunungaluu
atugassat pillugit, taakkulu tunngavigalugit allannguutit ilanngunneqarsimallutik.